

ՄԱՄՎԵԼ ՄՈՒՐԱԴՅԱՆ, ԵՐՎԱՆԴ ՕՍՅԱՆ. Կյանքը և գոծը, «Հայագիտակ» հրատ., Ե., 1996, 280 էջ:

Նոր շրջանի հայ դրականության դասականների շարքում ժրվանդ Օսյանի տեղը որոշակի է. նա երգիծաբան է և Հակոբ Պարոնյանի հետ մինչև առաջ միանձնյա գրադեցնում է այդ դաշտը՝ շունենալով հավասարազոր մրցակից: Չնայած դրան, գրեթե հարյուրամյա փորձ կուտակած օսյանագիտությունը, մեծ երգիծաբանի ստեղծագործության հետ կապված բազմաթիվ հարցեր լուծած լինելով հանդերձ, շատ խնդիրներ էլ թողել է առկա կամ ավելի է խճճել՝ անսպառ ասպարեզ տրամադրելով ուսումնասիրողների նորանոր սերունդներին: Ս. Մուրադյանի «Երվանդ Օսյան. Կյանքը և գոծը» մենագրությունը մեկ անգամ ևս հաստատում է այս իրողությունը:

Վերջին ժամանակներս մի տեսակ քամահրական վերաբերմունք է նկատվում այս տիպի ուսումնասիրությունների հանդեպ. հետազոտողները հրապարակում են առավել տեսական, հիմնախնդրային հետաքրքրություններ կրկնապատկող իրողություններով, իսկ եթե մեկը, այնուամենայնիվ, նախընտրում է ավանդական մենագրության տիպը, պետք է ունենա ծանրակշիռ կողմնակից: Տվյալ դեպքում այդ կողմնակից առաջինը հետազոտության առարկան ինքն է, այսինքն՝ Երվանդ Օսյանի կյանքի և ստեղծագործության ուսումնասիրությունը լուրջ գիտական խնդիր է և դեռ շատ մենագրությունների նյութ կարող է դառնալ, իսկ այդ մենագրություններն իրարից հավանաբար պիտի տարբերվեն նրանով, թե ուսումնասիրողներից յուրաքանչյուրն ինչ նոր հիմնահարցեր է գրել իր առջև և ինչպես է լուծել դրանք:

Ս. Մուրադյանն էլ իր հերթին այդպիսի փորձ ֆեոնարկելիս ամենից առաջ պիտի որոշակիացներ, թե ինչ ինչից է վերջնականապես լուծել ուրիշները, որոնց ինքը լպետք է անդրադառնա, ինչ հարցերի վերաբերյալ են հայտնվել վիճելի տեսակետներ, որոնք պետք է որվեն ու լուծվեն նորովի, ինչ խնդիրներ կան, որոնք առհասարակ չեն զրվել և կարոտ են լուսաբանության: Հարցադրումների այսպիսի հստակ սահմանադատումը Ս. Մուրադյանի ուսումնասիրության մեջ աչքի է դարձում հենց առաջին հայացքից:

Ուսումնասիրողների մի քանի սերունդ տարբեր առիթներով շարագրել է մեծ դրողի կենսագրությունը. կան նաև հենց իր՝ անվանի երգիծաբանի հանրահայտ հուշագրությունները: Բայց Ս. Մուրադյանի շարադրանքը ցույց է տալիս, որ նույնիսկ այստեղ կան մեծ կետեր, չլուսաբանված հարցեր: Խնդիրը միայն կենսագրական մի շարք փաստերի ճշգրտումը չէ, որ կատարել է ուսումնասիրողը. առավել կարևորն այն է, որ նրա շարադրանքից պարզվում է երկու էական հանգամանք՝ Օսյանի կենսագրությունը, իրոք, սեռնորեն շաղկապված է նրա ստեղծագործության հետ, և հետևաբար՝ գրողի կենսագրության ստեղծումը բանասիրական, դրականագիտական-տեսական խնդիր է: Ս. Մուրադյանի շարադրանքը առաջին լուրջ րայն է այդ ճանապարհին:

Օսյանին ներկայացնելով իրադարձություններով հարուստ դարաշրջանի համապատկերում՝ հեռանալն անհրաժեշտաբար կանգ է առնում այն դեպքերի ու փնթերի վրա, որոնք պիտի կազմեն դրողի գեղարվեստական, հուշագրական ու հրապարակախոսական ժառանգությունն: Նյութը Դրանց հիման վրա աշխատության էջերում ուսումնասիրողը բացահայտում է իրականի և գեղարվեստականի հարսերակցությունը Օսյանի ստեղծագործության մեջ՝ որպես նրա երգիծական արվեստի քննուշ սուսնանատկություն:

Անչափ կարևոր է, ուր Ս. Մուրադյանին հաջողվել է կառուցել Օսյան երգիծայանի ստեղծագործական խառնվածքը և նրա գեղարվեստական շառունգությունը ուսումնասիրելու ուշագրավ գիտական համակարգ, որը հնարավորություն է տալիս ստույգ չափանիշներով գնահատելու հայ երգիծաբանության զարգացման ընթացքը և ճշգրտելու Օսյանի տեղը հետպարոնյանական երգիծական գրականության մեջ: Այսպիսով պարզ են դառնում Պարոնյանի արժանավոր հաջորդի գեղարվեստական մտածողության և երգիծանքի առանձնատկությունները: Հատուկ ընդգծվում է Հ. Պարոնյանի վիթխարի դերը հայ երգիծաբանական դպրոցի ստեղծման ասպարեզում: Հենվելով գրականագիտության նվաճումների ու սեփական գիտարկումների վրա՝ ուսումնասիրողը համոզելի փաստարկներով ու գիտական տրամաբանությամբ

ցույց է տալիս պարոնյանական ավանդների ծավալն ու նշանակությունը Օտյանի երգիծանքի համակարգում, երկու հղորդունքը երգիծաբանների ընդհանրություններն ու տարբերությունները՝ միշտ բնագծելով Օտյանի ստեղծագործական անհատականության նոտարական տարբերությունը։

Կուր կառույց ունեցող այս մեկնագրության էջերում շաղկապված հաջորդականությամբ առաջադրվում և լուծվում են խնդիրներ։ Օտյանի կյանքին ու գործին վերաբերող, այնպես էլ առհասարակ երգիծաբանության՝ էական նշանակություն ունեցող հարցեր։ Ստացվել է ամբողջական դիտական շարադրանք, որը լիարժեք պատկերացում է տալիս Օտյանի գրական հասունացման ընթացքի, նրա լավագույն ստեղծագործությունների, երգիծանքի, կերպավորման արվեստի յուրահատկությունների մասին։

Օտյանի երգիծանքը մի կարևոր առանձնահատկություն ունի. նրա ամենագեղարվեստական երկերն անդամ առն են ընկնում շատ զգալի վավերագրական տարրերով, օտյանական շատ հանրաճանաչ հերոսներ ունեն իրենց իրական նախատիպերը։ Դա նկատվել է առաջին իսկ ուսումնասիրողների կողմից։ Տասնամյակների ընթացքում կատարվել են գիտականորեն հիմնավորված բազմաթիվ երրակացություններ, որոնք արդեն առարկություն չեն հարուցում։ Բայց եււկ են նաև ոչ ճիշտ կոհումներ, իսկ որոշ հերոսների իրական նախատիպերի վերաբերյալ հարց առհասարակ չի դրվել։ Ս. Մուրադյանի ուսումնասիրության մեջ հատկապես այս բնագավառում կատարված են արժեքավոր գիտարկումներ ու ճշգրտումներ, որոնք սկզբնաղբյուրի նշանակություն կարող են ունենալ հետագա ուսումնասիրողների համար։ Սրա հետ կապված՝ Ս. Մուրադյանին հետաքրքրել է նաև մի այլ արդեն դուրս գրականագիտական տեսական խնդիր՝ վավերական այդ անձերը Օտյանի ստեղծագործության մեջ ինչպե՞ս, երգիծանքի ի՞նչ միջոցներով, արվեստի ի՞նչ հնարաններով են բարձրացվել ընդհանրացված տիպի աստիճանի, նյութի բազմակողմանի իմացությունը, լավատեղյակությունը երգիծանքի տեսությանը, համաշխարհային երգիծաբանության պատմությանը ուսումնասիրողին հետադարձություն են տվել այս մարդում ևս կատարելու շահեկան գիտարկումներ, համոզել երրակացություններ։ Դա նկատելի է մանավանդ Օտյանի գլուխգործոցների՝ «Ճեղատիկի» և «Բանջուրնու» վերլուծությանը նվիրված էջերում։

Հայ քաղաքական երգիծանքի գլուխգործոցը՝ «Ընկ. Բ. Փանջունին», բնականաբար արժանացել է առանձնահատուկ քննության։ Այստեղ ևս թարմ հայացքով փաստերը համադրելու, նախկինում տարբեր պատճառներով լրացահայտված ճշարտությունները վերհանելու հեղինակային ձգտումը պակվել է հաջողությամբ։ Արժեք նկատել, որ Սապվարի, Վասպուրականի ու տարագրության չորսանի հերոսը, որպես փանջունիության երևույթի տիպականացած մարմնավորում, արժանացել է համակողմանի քննության։ Ընկ. Բ. Փանջունին գիտարկվել է իր ծավալն, դարդացման ընթացքի մեջ, վերլուծության ընթացքում քննադրվում է իր արկածախնդրական գործունեության արտաքուստ ծիծաղելի, բայց ըստ էության ողբերգական հետևանքներով։ Օտյանի այդ համակրելի հերոսին կուսակցական պատկանելության խնդիրը նույնպես ներկայացվում է նոր հայեցակետով. նկատի առնելով, որ Օտյանի այն բացատրությունը, թե ժողովրդի մեջ էլ ընկեր Փանջունին, այլ խտացում է հեղափոխական տիպերուն՝ Ս. Մուրադյանը բազմաթիվ նոր փաստարկներով հիմնավորում է, որ Փանջունին միայն մեկ կուսակցության ներկայացուցիչ չէ. փանջունիներ եղել են ու կան բոլոր քաղաքական կուսակցություններում։ Եվ Օտյանի հերոսը, որ միայն դրության ջնդրվել է դարձել հեղափոխական զործիչ, զեզերում է կուսակցությունից կուսակցություն, ճարպկությամբ փոխում է իր աշխարհայացքներն ու համոզմունքները, ընդունում է նոր քաղաքական դուրս ու երանդ՝ նայած որ կուսակցությունը խոսք կտա իշխանություն և նյութական բարեկեցություն։ Ինքը վերաշինելու պատրվակով կարող է միմիայն քանդել, վայելել քանդումի հեշտանքը՝ կառույցման տաժանքը թողնելով հաջորդներին։ Իրականի ու գեղարվեստականի, երգիծականի ու ողբերգականի հարաբերակցության բացահայտումներով հեղինակը հանդում է համոզել երրահանգումների՝ ընդգծելով, որ փանջունիներ եղել են ու կան բոլոր քաղաքական կուսակցություններում, իսկ փանջունիությունը, իբրև միջադարձի երևույթ, լինելու է մարդկության ուղեկցող առավել վտանգավոր շարիքներից մեկը։ Եվ քանի զեզ կա այդ շարիքը, Օտյանի վերջին հանրաճանաչությունը կղղացվի օդի ու ջրի պես (էջ 196)։

Օտյանը մեր զոհանությունից թերևս ամենարեզմնավոր հեղինակն է. ստեղծագործության ծավալի տեսակետից հաղիվ թե՛ որն է մեկը կարողանա համեմատվել Նոյ հետ։ Անսպասելի չպիտի լինեն, ուրմեն, եթե պարզվեր, որ նրա առանձին երկեր դուրս մնացած լինեին նախորդ ուսումնասիրողների տեսողաշտից կամ առհասարակ անհայտ լինեին նրանց։ Ս. Մուրադյանի ուսումնասիրությունը հաստատում է այդպիսի քննադրությունը. ուսումնասիրության

էջերում քննվում են Օտյանի՝ տարբեր ժանրերի մի քանի ստեղծագործություններ, որոնք ժամանակին կամ քիչ են ուսումնասիրվել, կամ առհասարակ չեն արժանացել որևէ ուշադրության: Այս իմաստով էլ, ահա, կարևորություն են ստանում աշխատության այն էջերը, որոնք վերաբերում են Օտյանի երգիծական գիմանկարներին, վիպական կենսադրներին, Դատերդական երկերի և մանավանդ ժՀերոսախաղ կատակերգության Թիվ 17 խաֆիեն քառաձուռի վեպի քննությանը: Այս էջերում ևս ցուցադրվել են ուսումնասիրողի՝ զրականության պատմության և տեսության լայն իմացությունը, փաստերը համադրելու, գիտական բանավեճ մղելու և անհրաժեշտ եզրահանգումներ անելու անվիճելի կարողությունները, հանդամանք, որ ավելի համոզիչ ու ծանրակշիռ է դարձրել զրականագետի խոսքը:

Ս. Մուրադյանի ուսումնասիրությունը աչքի է ընկնում ցայտուն հետազոտական ակտիվությամբ և բանավեճային ուղղվածությամբ: Ըստ արժանվույն զննատեղով նախորդ բոլոր ուսումնասիրողների ներդրումը օտյանագիտության մեջ՝ հեղինակը վիճարկում, վերանայում, ճշգրտում է նրանց շատ տեսակետներ՝ ինչպես մասնավոր, այնպես էլ սկզբունքային հարցերի վերաբերյալ՝ իր եզրակացությունները հիմնավորելով համոզիչ փաստարկներով և պահպանելով գիտական պատշաճության հարկը: Շարադրանքի գիտական միջնորդությամբ, այսպիսով, թանձրանում է քննական խորքով:

Մենագրության վերջում փեղկնակն իր ուսումնասիրության արդյունքները ներկայացրել է եզրակացությունների տեսքով: Այդ հակիրճ ձևակերպումները յուրովի բնութագրում են կատարված աշխատանքը՝ ռեբ. Օտյանի կենսագրության նորովի շարադրում, զրական հայացքների, գեղարվեստական մտածողության յուրահատկությունների բնութագրում, մեր զրականության զարգացման շղթայի մեջ և հատկապես երգիծարանության ասպարեզում նրա տեղի ու դերի ճշտում, արդի զրականագիտության պահանջների ու չափանիշների գիտակցության՝ առավել բնորոշ ստեղծագործությունների վերլուծում և արժեքավորում (էջ 277):

Ինչպես ամեն մի ծանրակշիռ ուսումնասիրություն, այնպես էլ Ս. Մուրադյանի մենագրությունը գերծ չէ թերություններից, չի ճնշել հարցադրումներից: Այսպես, խորհրդային շրջանի հայ զրականագիտության մեջ Օտյանի և նրա ստեղծագործության մասին եղած տեսակետները վերանայելիս քննադատական կիրքը երբեմն համնում է անհարկի խստության: Կամ՝ շարադրանքի որոշ անվստահություն է զգացվում այն էջերում, որոնք նվիրված են զրական ուղղությունների ու մեթոդների, այս տեսակետից՝ երգիծարանության առանձնահատկությունների բնութագրությանն ու սահմանազատմանը: Բայց յուրաքանչյուր գիտական աշխատանք պետք է արժեքավորվի ոչ այնքան նրանով, թե ինչ խնդիրներ է շրջանցել հեղինակը, որտեղ է խնդրացել ու վրիպել, որքան և ամենից առաջ նրանով, թե ինչ առկա աղծքներով և հարստացրել գիտության տվյալ քննադատությամբ: Իսկ Ս. Մուրադյանի գործն այս առումով կարող է գիմանակ ամեն մի քննադատության:

Իբրև Լզրակացություն՝ մեկ անգամ ևս հավաստենք, որ Ս. Մուրադյանի ռեբվանդ Օտյան. Կյանքը և գործը գիրքը ամբողջական քննական ուսումնասիրություն է երգիծարանի կյանքի, նրա գաղափար-հասարակական միջավայրի, ստեղծագործության հետ կապված սկզբունքային խնդիրների մասին: Գիտական շրջանառության մեջ են գրվում նոր վիստեր, վկայություններ, անձանոթ էջեր ու վավերագրեր: Կատարվում են քննասիրական և տեսական վերլուծական ճշգրտումներ: Հետաքրքիր են մանավանդ դրոգի հանրահայտ ստեղծագործությունների նորովի ընթերցման հաջողված փորձերը: Նոր լույսի տակ են ներկայացվում նաև Օտյանի կյանքի ու ստեղծագործության հետ կապված շատ փաստեր, հանգամանքներ, հարցեր, օտյանագիտությունը հարստացվում է վստահական ու մեկնարկական նորություններով: Դա առանձին նշանակություն է ստանում հատկապես հիմա, երբ անցյալի մշակութային արժեքների վերագնահատման անհրաժեշտությունը խիստ օրախնդիր է:

Վ. ԿՐԻՍԿՈՍՅԱՆ

Բանասիրական գիտությունների դոկտոր